



Tužilaštvo - Tužiteljstvo Bosne i

Hercegovine

Тужилаштво Босне и Херцеговине

Broj: T20 0 KT 0021371 21
Sarajevo, 01.12.2022. godine

Na temelju člana 35. stav 2. tačka e), te člana 216. stav 3. Zakona o krivičnom postupku Bosne i Hercegovine, donosim

N A R E D B U
O NEPROVOĐENJU ISTRAGE

U vezi prijave [REDACTED] zbog krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. Krivičnog zakona Bosne i Hercegovine, koju prijavu je Tužilaštvo Bosne i Hercegovine zaprimilo putem e-mail dana 08.11.2021.godine, nakon izvršenog uvida u spise predmeta, a u smislu odredbe člana 216. stav 3. ZKP BiH, donesena je naredba o neprovođenju istrage protiv prijavljenog [REDACTED] iz razloga što ne postoje osnovi sumnje da je počinjeno navedeno krivično djelo kao niti neko drugo krivično djelo.

O B R A Z L O Ž E N J E

Tužilaštvo Bosne i Hercegovine zaprimilo je dana 08.11.2021.godine putem e-mail prijavu [REDACTED] u kojoj se navodi da je [REDACTED] u emisiji radija [REDACTED], emitiranoj [REDACTED] negirao genocid, gdje se navodi poveznica za emisiju [REDACTED] u kojoj je to izgovorio, i to „ [REDACTED] kao i poveznica na portal medija [REDACTED], gdje je intervju [REDACTED] iznesen u članku objavljenom na jednom od službenih jezika koji su u upotrebi u Bosni i Hercegovini, [REDACTED]

Dana 11.11.2022.godine, Tužilaštvo Bosne i Hercegovine je izdalo naredbu Državnoj agenciji za istrage i zaštitu BiH za preduzimanjem mjera i radnji u cilju vršenja provjera da li se gore navedena emisija sa Radija [REDACTED] još uvijek nalazi na internet portalu [REDACTED]

te ukoliko se ista pronađe da se izvrši uviđaj navedenog snimka sa pohranom istog na odgovarajući medij, te ukoliko je na engleskom jeziku, po mogućnosti, sačiniti transkript izgovorenih riječi u navedenoj emisiji od strane prijavljenog [REDACTED] kao i da se izvrše provjere na web portalu medija [REDACTED], u skladu sa gore pomenutoj poveznici, u cilju utvrđivanja da li se na istoj još uvijek nalazi predmetni članak, te da se izvrši uviđaj.

Tužilaštvo Bosne i Hercegovine je dana 24.11.2022.godine zaprimilo akt Državne agencije za istrage i zaštitu BiH broj: [REDACTED] sa prilogom Izvještaja o postupanju Državne agencije za istrage i zaštitu BiH broj: [REDACTED], u kojem Izvještaju Državne agencije za istrage i zaštitu BiH se navodi da su policijski službenici Državne agencije za istrage i zaštitu BiH, shodno predmetnoj naredbi Tužiteljstva BiH od 11.11.2022.godine u vremenskom periodu od 09,30 do 09,45 sati na službenom računaru Državne agencije za istrage i zaštitu BiH, a koji ima pristup na internet izvršili uviđaj na web portalu radija [REDACTED], web stranica [REDACTED], prilikom čega je na navedenoj web stranici pronađen samo naslov (na engleskom jeziku) predmetne emisije [REDACTED], u kojoj je gostovao [REDACTED], te da video snimak iste emisije nije bio dostupan u trenutku vršenja uviđaja, što je konstatovano u Zapisnik o uviđaju Državne agencije za istrage i zaštitu BiH broj: [REDACTED], te da se nije moglo pristupiti ni pisanom sadržaju predmetne emisije na radio [REDACTED] od dana [REDACTED]. Nadalje se u predmetnom Izvještaju od 21.11.2022.godine, navodi da je prilikom vršenja uviđaja u poveznici [REDACTED]

pronađen novinski članak: “

[REDACTED], koji članak je objavljen dana [REDACTED], te u kojem se među ostalom nalaze upiti novinara [REDACTED]: „S obzirom da Bošnjaci i Hrvati u BiH smatraju da je prethodna srpska vojska počinila genocid i zločin protiv čovječnosti, da li su oni u strahu od povratka vojske Republike Srpske u BiH?“, nakon čega je [REDACTED] navodno odgovorio: „Mogu da razumjem privatne strahove, ali srpska vojska je časna i nije počinila nikakav genocid. Druge vojske su učestovale u genocidu, ali o tome se ne govori. Nema sumnje da je u Srebrenici izvršen zločin. Ali to je djelo pojedinaca, ali ne vojske u potpunosti. Kako god ljudi imaju različite strahove. Srbi se plaše da će čitavim ovim prostorom dominirati muslimani i plaše se migranata koji dolaze. To su također strahovi koje postoje ovdje“. Na upit [REDACTED]: „Kažete da se u Srebrenici dogodio zločin, prema presudama iz Haaga, dogodio se genocid?“, [REDACTED] navodno odgovorio: „U presudama prema pojedincima. Ali neki ljudi pokušavaju čitav narod predstaviti odgovornim, što je netačno“.

Analizom spisa predmeta kao i sadržaja Izvještaja Državne agencije za istrage i zaštitu BiH od [REDACTED], ne proizilaze osnovi sumnje da je prijavljeni [REDACTED] počinio krivično Izazivanje nacionalne, rasne i vjerske mržnje, razdora i netrepeljivosti iz člana 145a. Krivičnog zakona BiH, kao niti neko drugo krivično djelo, te je stoga u smislu odredbe člana 216. stav 3. ZKP Bosne i Hercegovine, donesena Naredba o neprovođenju istrage.

**TUŽITELJSTVO/TUŽILAŠTVO BiH
TUŽITELJ**